

Communicaziun allas medias vischnaunca Ilanz/Glion

Quen annual 2020 legreivel per la vischnaunca dad Ilanz/Glion – malgrad corona

Cun in gudogn annual da prest 0.5 miu. francs siara il quen annual 2020 cun in meglier resultat ch'il surpli budgetau da 153'000 francs, e quei malgrad corona. Contribuiu al bien resultat han cunzun las entradas da taglia sur la media sco era ina politica d'expensas disciplinada.

Il cash-flow munta a 3.5 miu. francs ed ei il meglier resultat dapi igl onn 2015. Aschia han ins saviu finanziair sez per 146 pertschien las investiziuns nettas da 2.4 miu. Bia pli relevonta per valetar l'atgna finanziaziun ei la media da plirs onns. Grazia al cash-flow carschent dils davos treis onns han ins saviu finanziair en media per 88 pertschien sez las investiziuns nettas ils onns 2015–2020.

Il bien resultat vul ins nezegiar per prefinanziair investiziuns grondas futuras gia concludidas ed aschia rinforzar l'atgna finanziaziun da lu. Arisguard il grond basegns d'investiziuns dils proxims tschun onns, ei quei raschuneivel. Aschia vegn la suprastanza communal a dumandar il parlament el rom dalla presentaziun dalla contabilitad da concluder ina prefinanziaziun ell'altezia da 2 miu. francs per renovar igl areal dalla staziun, in project che las votantas ed ils votants han decidu all'urna il november 2018.

Gia cuort suenter l'entschatta dalla pandemia da Covid-19 ei la suprastanza communal s'occupada cun las consequenzas eventualas sin las finanzas. Cuntrari allas supposiziuns da lezza ga ha la crisa igl onn da rapport buca giu ina talmein gronda influenza ton arisguard ils cuosts carschents sco era arisguard las entradas pli bassas. Effects el sector social ni sin las entradas da taglia vegn ins a remarcar pér ils onns vegnents el quen communal. La dimensiun vegn a depender fetg dil cuoz dalla pandemia e dil temps che l'economia drova per puspei serevegnir.

El rapport administrativ mira la vischnaunca anavos sin in onn ch'ei staus pretensius per tuts. Tuttina han ins saviu accelerar e realisar impurtonts projects per il beinstar dalla vischnaunca. Gest en temps da crisa eis ei impurtont ch'il maun public fa investiziuns e contribuescha aschia alla stabilisaziun economica.

Igl entir rapport administrativ ed il quen annual anfleis Vus sin:

www.ilanz-glion.ch/rm/publicaziuns/rapport-annual/preventiv

Ilanz/Glion, ils 4 da zercladur 2021

Vischnaunca Ilanz/Glion

Contact:

dr. Carmelia Maissen, presidenta communal, 081 920 15 15, carmelia.maissen@ilanz-glion.ch

Medienmitteilung Gemeinde Ilanz/Glion

Erfreuliche Jahresrechnung 2020 für die Gemeinde Ilanz/Glion – trotz Corona

Mit einem Jahresgewinn von fast 0.5 Mio. Franken schliesst die Jahresrechnung 2020 besser ab als das budgetierte Plus von 153'000 Franken, dies trotz Corona. Zum guten Ergebnis beigetragen haben vor allem überdurchschnittlich hohe Steuereinnahmen sowie eine disziplinierte Ausgabenpolitik.

Der Cash-Flow beträgt 3.5 Mio. Franken, was das beste Ergebnis seit 2015 bedeutet. Damit konnten die Nettoinvestitionen von 2.4 Mio. Franken zu 146 Prozent selbst finanziert werden. Für die Beurteilung der Eigenfinanzierung weit aussagekräftiger ist das Mittel über mehrere Jahre. Dank dem steigenden Cash-Flow in den letzten drei Jahren konnten die Nettoinvestitionen in den Jahren 2015–2020 im Schnitt zu 88 Prozent selber finanziert werden.

Das gute Ergebnis soll genutzt werden, um künftige, bereits beschlossene Grossinvestitionen vorzufinanzieren und damit die dannzumalige Selbstfinanzierung zu stärken. Angesichts des grossen Investitionsbedarfs in den nächsten fünf Jahren ist dies sinnvoll. So wird der Gemeindevorstand im Rahmen der Rechnungslegung dem Parlament beantragen, für die Erneuerung des Bahnhofsareals, wozu die Urnengemeinde im November 2018 den Verpflichtungskredit gesprochen hat, eine Vorfinanzierung in der Höhe von 2 Mio. Franken zu beschliessen.

Bereits kurz nach Ausbruch der Covid-19-Pandemie hat sich der Gemeindevorstand mit den allfälligen Auswirkungen auf die Finanzen auseinandergesetzt. Entgegen den damaligen Annahmen hat sich die Krise im Berichtsjahr sowohl in Form von steigenden Kosten als auch von sinkenden Einnahmen nicht breitflächig ausgewirkt. Auswirkungen im Sozialbereich oder bei den Steuereinnahmen werden sich erst in den Folgejahren in der Gemeindefinanzrechnung bemerkbar machen. Das Ausmass wird stark davon abhängen, wie lange die Pandemie noch dauert und wie schnell sich die Wirtschaft wieder erholen wird.

Im Jahresbericht blickt die Gemeinde auf ein Jahr, das für alle herausfordernd war, zurück. Nichtsdestotrotz konnten wichtige Projekte zum Wohl der Gemeinde vorangetrieben und umgesetzt werden. Gerade in einer Krisenzeit ist es wichtig, dass die öffentliche Hand ihre Investitionen tätigt und so zur wirtschaftlichen Stabilisierung beiträgt.

Den gesamten Jahresbericht mit Jahresrechnung finden Sie unter:

www.ilanz-glion.ch/publikationen/jahresbericht/budget

Ilanz/Glion, den 4. Juni 2021

Gemeinde Ilanz/Glion

Kontakt:

Dr. Carmelia Maissen, Gemeindepräsidentin, 081 920 15 15, carmelia.maissen@ilanz-glion.ch